


土岐文庫

文庫17

W72

1

000



50

55

60

文庫 17
W72
/

雲間張景星評選

重訂宋詩別裁集

昭和六十年二月一日
務本堂藏板

010185194235

宋詩別裁集者雲間張部曹二銘暨其
同志姚徵士述齋王孝廉補堂相與撰
定之書也鈔名百一蓋謂嘗鼎一臠窺
豹一斑亦可見宋詩宗派云爾以予觀
之則一代源流正變已具其諸義善之
會歸鑒裁之至當者歟夫詩詩必宗唐
是也然雲霞傳天異彩同爛花萼發樹
殊色互妍江醴陵云楚謠漢風既非一

宋詩別裁集

骨魏製晉造固亦二體言古今辭章之
變化也變化者前人後人所以日出不
窮以罄天地之藏而洩靈府之祕否則
銖銖稱之寸寸度之循聲躡影偽種流
傳而不能相逐於變化無窮之域惡之
闖唐賢闢與哉第波瀾雖富句律不可
踈煖煉雖精情性不可遠比興深婉何
貴乎走石揚沙宮商協暢何貴乎應木

濕鼓斯則上下三百餘年詩家金科玉
尺端有在焉而是書取舍要為實獲我
心杜西宋末流之弊踵三唐最勝之業
其在茲乎其在此乎辱承誦諉作序為
揭其大指於簡首時

乾隆辛巳月月玉篋傳王露拜題

宋詩別裁集目錄

卷一 五言古

王琪一首

劉敞一首

江休復一首

韓維一首

文同一首

蘓軾九首

孔平仲二首

賀鑄三首

黃庭堅三首

秦觀一首

晁冲之一首

張耒二首

劉弇 一首

倪濤 一首

葉夢得 二首

陳與義 四首

張九成 一首

劉子翬 三首

范成大 二首

陸游 四首

楊萬里 三首

朱子 七首

張栻 一首

姜夔 一首

謝翱 一首

卷二 七言古

歐陽修 四首

梅堯臣 一首

司馬光 一首

王安石 一首

蘇軾 十二首

孔武仲 一首

賀鑄 一首

郭祥正 一首

黃庭堅 四首

晁補之 五首

晁冲之 一首

卷三 七言古

張耒 四首

李昭玘 一首

韓駒一首

李彌遜一首

周紫芝五首

陳與義一首

朱松一首

劉子翬一首

王銍一首

范成大三首

陸游十首

楊萬里六首

王十朋一首

陳造一首

劉過一首

敖陶孫一首

鄒登龍一首

文天祥一首

謝翱六首

卷四 五言律

寇準二首

張詠一首

王禹偁二首

宋祁五首

韓琦一首

文彥博二首

余靖一首

歐陽修五首

蘓舜欽二首

梅堯臣五首

劉敞九首

周子一首

司馬光 四首

王安石 五首

程伯子 一首

文 同一首

蘇軾 四首

賀鑄 三首

黃庭堅 一首

張耒 一首

陳師道 三首

李昭玘 一首

唐庚 一首

汪藻 四首

孫覿 一首

周孚 二首

周紫芝 一首

王庭珪 一首

呂本中 一首

陳與義 七首

曹勛 一首

劉子翬 一首

范成大 三首

陸游 三首

楊萬里 八首

朱子 二首

張栻 一首

王十朋 二首

陳造 一首

趙師秀 三首

翁卷 一首

徐照 一首

徐璣 三首

高翥 一首

嚴粲一首

姚鏞一首

方岳一首

張道洽一首

周彌一首

陳鑒之一首

林景熙一首

卷五 七言律

李昉一首

徐鉉二首

張詠一首

王禹偁六首

王操一首

楊億四首

錢惟演一首

丁謂一首

穆修一首

林逋三首

宋祁五首

晏殊二首

夏竦一首

韓琦一首

文彥博一首

趙抃一首

歐陽修六首

蘇舜欽一首

梅堯臣三首

蔡襄一首

曾鞏三首

司馬光二首

王珪 三首

王安石 九首

王安國 一首

韓維 一首

鄭俠 一首

沈遘 一首

王令 一首

程伯子 一首

蘓軾 二十首

蘓轍 二首

孔武仲 一首

孔平仲 三首

賀鑄 五首

楊蟠 一首

卷六 七言律

黃庭堅 四首

秦觀 三首

晁補之 一首

張耒 五首

陳師道 四首

彭汝礪 一首

謝逸 一首

蘇過 一首

韓駒 二首

張元幹 一首

汪藻 一首

李彌遜 一首

周紫芝 一首

周孚 二首

王琮 一首

王庭珪 三首

宋詩別裁集卷七目錄

呂本中一首

陳與義十首

曾幾一首

朱松二首

王鈺一首

尤袤四首

范成大五首

陸游十四首

楊萬里九首

朱子八首

呂祖謙二首

王十朋一首

呂定二首

華岳一首

陳造一首

樓鑰一首

岳珂一首

劉仙倫一首

杜範一首

方岳一首

張道洽二首

陳起一首

樂雷發一首

柴望一首

卷七 五言排律

王禹偁一首

楊億五首

錢惟演一首

石延年一首

宋祁三首

范仲淹一首

宋詩別裁集卷七目錄

詩話類編

七

歐陽修九首

劉攽一首

曾鞏一首

王珪一首

王安石二首

蘇軾五首

黃庭堅二首

秦觀二首

陳與義二首

陸游三首

卷八 五言絕 七言絕

范仲淹二首

歐陽修六首

劉敞一首

司馬光一首

王安石九首

文同四首

蘇轍一首

郭祥正三首

秦觀一首

傅察二首

崔鷗一首

陳與義二首

曹勛一首

劉子翬一首

陸游五首

朱子一首

張孝祥二首

葛天民一首

葉茵一首

嚴粲一首

詩話類編

宋詩別裁集目錄

利登 二首

朱繼芳 一首

家公翁 一首

王禹偁 二首

林逋 一首

石介 一首

蘓舜欽 二首

司馬光 一首

蘇軾 十三首

郭祥正 一首

晁補之 一首

張耒 一首

鄒浩 一首

李彌遜 一首

程俱 二首

朱棨 二首

張道洽 一首

俞桂 一首

羅公升 二首

魏野 一首

宋祁 一首

歐陽修 七首

劉敞 一首

王安石 十三首

米芾 一首

秦觀 三首

晁冲之 二首

陳師道 一首

韓駒 一首

陳與義 二首

朱松 二首

周必大 一首

宋詩別裁集目錄

冬

宋詩別裁集卷一

九

范成大 五首

陸游 十首

楊萬里 二首

朱子 二首

張栻 三首

汪莘 一首

周文璞 一首


戴復古 一首

黃大受 一首

武衍 一首

謝枋得 一首

宋詩別裁集卷一



姚培謙述齋

雲間張景星二銘點閱

王永祺補堂

五言古

秋日白鷺亭

王琪

白鷺。敞。西。軒。棟。宇。窮。爽。塏。千。峰。若。聯。環。
翠。色。不。可。解。是。時。天。宇。曠。六。幕。無。纖。靄。

宋詩別裁集卷一 五言古

朱詩別集卷之十
金斗熨秋江。素練橫衣帶。乾坤清且歛。
氣象朝昏改。蘆花作雪風飛舞。來滄海。
九霄汀鷺起。萬里檣烏快。月上三山頭。
鳥沒橫塘外。蒼茫洲渚寒。銀錯星斗大。
開樽屏絲竹。披襟向蕭籟。余生本江湖。
偃蹇欣所會。清興雖自發。苦嗜亦吾累。
魚龍憑夜濤。四面忽滂湃。安得犀燈然。
煌煌發水恠。

睡起

劉敞

日午吏稍休。池上道遙眠。水木澹相映。
庭戶清無喧。時有山中禽。來鳴高樹巔。
微風拂袵過。會意成翛然。有生滯形役。
萬物安靜便。媿無淮陽績。高卧亦終年。
年駝岡閱馬
江休復
牧馬散近垆。閱視乘高秋。駝岡似沙苑。
堆阜帶川洲。坡陀故梁城。縈薄西南陬。

身言易表其 卷一
連棚映林樾。星羅倚層邱。回風吹陣雲。
奔騰欲來游。野性脫羈帶。飲齧遂所求。
腹幹頗肥張。鬱怒何彪休。群毆驟麋鹿。
逸勢凌蛟虬。軍戎選輕捷。和鑿御調柔。
毛物有千名。衆美歸驂騑。梁王愁思臺。
佛刹居上頭。竭來一憑眺。遺墟莽悠悠。
信陵骨已朽。巖穴誰見收。當時英豪輩。
事逐東波流。置酒臨風軒。聊以紓煩憂。

送孔先生還山

韓維

先生樂道者。於世淡無欲。高風自絕人。
正行不違俗。竭來城闕游。不受塵事觸。
日久望林壑。駕言反幽築。家臨洧水陽。
路轉春山曲。東風吹百花。紅紫滿巖谷。
蠶桑事未起。農里得徵逐。社酒濁易求。
山蔬晴可斲。幽尋月吐嶺。高卧日照屋。
應念塵中人。胡為自羈跼。

村居

文同

日影滿松牕。雲開雨初止。晴林梨棗熟。曉巷兒童喜。牛羊深澗下。鳧鴈寒塘裏。田父酒新成。餅饜饋隣里。

至下馬磧。憇於壯山僧舍。有閣曰

懷賢。南直斜谷。西臨五丈原。諸葛

孔明所從出師也。蘇軾

南望斜谷口。三山如犬牙。西觀五丈原。

鬱屈如長蛇。有懷諸葛公。萬騎出漢巴。吏士寂如水。蕭蕭聞馬樞。公才與曹丕。豈止十倍加。顧瞻三輔間。勢若風卷沙。一朝長星墜。竟使蜀婦髻。山僧豈知此。一室老煙霞。往事逐雲散。故山依渭斜。客來空吊古。清淚落悲笳。

送鄭戶曹

水遶彭祖樓。山圍戲馬臺。古來豪傑地。

身言別表集卷一
千歲有餘哀。隆準飛上天。重瞳亦成灰。
白門下。呂布大星殞。臨淮尚想劉德輿。
置酒此徘徊。邇來苦寂寞。廢圃多蒼苔。
河從百步響。山到九里迴。山水自相激。
夜聲轉風雷。蕩蕩清河壩。黃樓我所開。
秋月墮城角。春風搖酒杯。遲君為坐客。
新詩出瓊瑰。樓成君已去。人事固多乖。
他年君倦游。白首賦歸來。登樓一長嘯。
使君安在哉。

送運判朱朝奉入蜀

藹藹青城雲。娟娟峨眉月。隨我西北來。
照我光不滅。我在塵土中。白雲呼我歸。
我游江湖上。明月濕我衣。岷峨天一方。
雲月在我側。謂是山中人。相望了不隔。
夢尋西南路。默數短長亭。似聞嘉陵江。
跳波吹枕屏。送君無一物。清江飲君馬。

身言表集卷一
五
路穿慈竹林。父老拜馬下。不用驚走。藏
使者我友生。聽訟如家人。細說為汝評。
若逢山中友。問我歸何日。為話胷脚輕。
猶堪踏泉石。

高郵陳直躬處士畫鴈

野鴈見人時。未起意先改。君從何處看。
得此無人態。無乃槁木形。人禽兩自在。
壯風振枯葦。微雪落璀璨。慘澹雲水昏。

晶熒沙礫碎。弋人悵何慕。一舉渺江海。

書鄢陵王主簿所畫折枝

瘦竹如幽人。幽花如處女。低昂枝上雀。
搖蕩花間雨。雙翎決將起。衆葉紛自舉。
可憐採花蜂。清蜜寄兩股。若人富天巧。
春色入毫楮。懸知君能詩。寄聲求妙語。

金山妙高臺

我欲乘飛車。東訪赤松子。蓬萊不可到。

弱水三萬里。不如金山去。清風半帆耳。
中有妙高臺。取華嚴經德雲比丘所居妙高峯為義。雲峰
自孤起。仰觀初無路。誰信平如砥。臺中
老比丘。子元長老。碧眼照牕几。巉巖玉為骨。
凜凜霜入齒。機鋒不可觸。千偈如翻水。
何須尋德雲。即此比丘是。長生未暇學。
請學長不死。

登常山絕頂廣懸亭

西望穆陵關。東望瑯邪臺。南望九仙山。
北望空飛埃。相將叫虞舜。遂欲歸蓬萊。
嗟我二三子。狂飲亦荒哉。紅裙欲仙去。
長笛有餘哀。清歌入雲霄。妙舞織腰回。
自從有此山。白石封蒼苔。何嘗有此樂。
將去復徘徊。人生如朝露。白髮日夜催。
棄置當何言。萬劫終飛灰。

端午遍遊諸寺得禪字

身言身表身
肩輿任所適。遇勝輒留連。焚香引幽步。
酌茗開淨筵。微雨止還作。小窓幽更妍。
盆山不見日。草木自蒼然。忽登最高塔。
眼界窮大千。卞峰照城郭。震澤浮雲天。
深沉既可喜。曠蕩亦所便。幽尋未云畢。
墟落生晚煙。歸來託所歷。耿耿清不眠。
道人亦未寢。孤燈同夜禪。

與王郎昆仲及兒子邁遊城觀荷

花

清風定何物。可愛不可名。所至如君子。
草木有嘉聲。我行本無事。孤舟任斜橫。
中流自偃仰。適與風相迎。舉盃屬浩渺。
樂此兩無情。歸來兩溪間。雲水夜自明。

月夜

孔平仲

平生最好月。况此秋夜闌。長風送蕩漾。
浩露洗團圓。仰頭視虛空。光采如可餐。

身言易表身一考一
星。辰。飲。芒。角。河。漢。收。淚。瀾。更。無。微。雲。翳。
掛。此。白。玉。盤。六。合。靜。皎。皎。萬。木。涼。珊。珊。
為。爾。廢。昏。卧。裴。回。更。漏。殘。更。登。高。處。望。
歷。歷。見。湖。山。爽。氣。集。冰。雪。清。心。生。羽。翰。
便。欲。御。冷。然。因。之。遊。廣。寒。一。臨。天。池。水。
沐。浴。隨。飛。仙。

曹亭獨登

問我當何之。曹亭蒼木外。江湖水方漲。
曠濶吾所愛。微風撼晚色。爽氣回秋籟。
楊柳隱官堤。芙蓉接公廨。白雲依山起。
點綴若圖繪。何須招客遊。清興自無輩。
落日更憑欄。下看飛鳥背。

宿寶泉山慧日寺 賀鑄

日入不遑息。驅車更之東。回蹊出蒙密。
解袂迎長風。風從何許來。歷歷江南鐘。
頓轡阿蘭若。虛庭月正中。流螢逗深竹。

分言別表身卷一
白鳥巢青松。華燈耿翠箔。瑤花擢春叢。
絕境美清夜。恍惚非塵界。逢惜無一尊酒。
幸與之子同。遇越客明發即南北。浮生
兩飛蓬。

荅杜仲觀登叢臺見寄

高風蕩河漢。白露被寒菊。下有絡緯蟲。
凄酸生意促。華年不相待。去我何流遠。
老步失騰讓。短轅甘踟蹰。感伊人濮陽秀。

方厭折腰辱。仕道塞榛蕪。低徊避蚊蠖。
邯鄲古都會。陳迹武靈築。典發即登臨。
西南幾窮目。新詩琢璠瑒。疊寄兩三幅。
一聽郢中歌。陽春回草木。行將及瓜代。
暫喜權羈束。鞭馬徑相過。連朝奉遊囑。
隻鷄與斗黍。禮意未為足。何以遇高陽。
多營甕頭醪。

上巳後一日登快哉亭

上巳信嘉辰。流觴傳舊俗。良遊悵不遂。
吏局方有屬。東風吹曉雨。萬竅嗥林麓。
疑有泊舟人。狂歌河女曲。逾朝始澄霽。
物色如新沐。城角趨危亭。登臨慰幽獨。
紛華埽不見。蝴蝶飛平綠。竚倚窮夕曛。
悠哉此心目。

題竹石牧牛

黃庭堅

野次小暉。幽篁相依綠。阿童三尺箠。
御此老轂。蘇石吾甚愛之。勿遣牛礪角。
牛礪角尚可。牛鬪殘我竹。

次韵吳宣義三徑懷友

佳眠未知曉。屋角聞晴暎。萬事頗忘懷。
猶牽故人夢。采蘭秋蓬深。汲井短綆凍。
起看冥飛鴻。乃見天宇空。甚念故人寒。
誰省機與綜。在者天一方。日月老賓送。
往者不可言。古柏守翁仲。

留王郎

河外吹沙塵江南水無津。骨肉常萬里。寄聲何由頻。我隨簡書來。顧影將一身。留我左右手。奉承白頭親。小邦王事略。蟲鳥聲無人。王甥解鞍馬。夜語鷄喚晨。母慈家人肥。女慧男垂紳。有田為酒事。豚豕及秋春。春生涯得如此。舊學更光新。索去何草草。少留慰躑躅。百年木一炊。六籍經幾秦。要知胸中有。不與跡同陳。郢人懷妙質。聊欲運吾斤。

春日雜興

秦觀

寢瘵倦文史。駕言從遨嬉。颼風舉遙淑。規日麗清漪。含桃粲朱實。杜若懷碧滋。娉娉弱絮墮。圉圉文魴馳。明霞廓遠矚。哀禽攬離思。縹草天際合。孤雲川上移。寬閒絕輪鞅。重復多路岐。信美難久佇。

歸歟從所治

書懷寄李相如

晁冲之

秋風吹畦蔬。農事亦已闌。黃黃杞下菊。佳色戶冢間。我生復何如。憔悴常照顏。清晨戴星出。薄暮及日還。骯髒二十載。老髮羞儒冠。天末有佳人。秀擢如芝蘭。撫然念夙昔。風流得餘懽。緬想蒲柳姿。與君同歲寒。一別事瓦裂。令人氣如山。

離黃州

張耒

扁舟發孤城。揮手謝送者。山回地勢卷。天豁江面瀉。中流望赤壁。石脚挿水下。昏昏烟霧嶺。歷歷漁樵舍。居夷實三載。鄰里通假借。別之豈無情。老淚為一洒。篙工起鳴鼓。輕櫓健於馬。聊為過江宿。寂寂樊山夜。

出長夏門

出郭心已清。青山忽相對。游人傍流水。
俯仰秀色內。誰張蒼玉屏。中斷神斧快。
清伊瀉其間。銀漢曳天派。參差樓觀出。
杳靄林樾邃。巖聲送遠響。水影弄空翠。
同遊得君子。典與烟霞會。選勝雖自茲。
高懷已塵外。

宿長山寺

劉夙

蒼山兩崖。巖勢今天矯。不緣事幽尋。
茲地終難到。破暝紫烟生。寫谷清樾好。
村長下牛羊。雲綫入歸鳥。松風卷孤磬。
夜半秋聲小。容懷方未央。千里漫白道。
庭樹一鳥驚。愁看楚天曉。

次韵毛達可給事秋懷念歸

倪濤

結茅遠入村。破屋水半扉。涼葉墮清響。
空山轉斜暉。微官卧江漢。素心久依依。

十年天涯秋。搖落幾芳菲。馬蹄歲月去。
蝶夢東南飛。平生邱壑志。有言輒垂違。
不如孤。征鴻春風。自知歸。

懷西山

葉夢得

西山十畝強。高下略不齊。嵌空抱奇秀。
上有凌雲梯。架屋八九間。茅簷敢辭低。
所欲面勢好。老稚通扶携。密竹轉修徑。
老松故成蹊。仲冬景氣肅。碧草猶萋萋。
仰視天宇大。四觀渺回溪。徐行信足力。
未畏成顛隳。用意各有適。孰云無町畦。
平生幾濡首。末路乃盍臍。不作巢幕燕。
肯從觸藩羝。胡為濫塵鉞。坐聽鳴鼓鼙。
外物委蟲臂。全生思馬蹄。可能三徑草。
歸路老更迷。

送沈傳曜

下峰摩青空。東望烏氏墩。豈忘宿春糧。

終媿一欵門。邂逅此相遇。傾懷得徐論。
人言解牛刀。要使當劇煩。未悟清廟器。
朱絃列巽尊。我衰百慮息。但念三畝園。
王師肅西征。萬馬先雲屯。何力償賜履。
緬慙羨歸軒。寄聲舴艋舟。想見浮鴈村。
清冷尚可釣。無使雪水渾。

出山道中

陳與義

雨歇澹春曉。雲氣山腰流。高崖落絳葉。
恍如人世秋。避地時忽忽。出山意悠悠。
溪急竹影動。谷虛禽響幽。同行得快士。
勝處頻淹留。乘除了身世。未恨落房州。

夏日集葆真池上以綠陰生晝靜

賦詩得靜字

清池不受暑。幽討起予病。長安車轍邊。
有此荷萬柄。是身唯可懶。共寄無盡興。
魚遊水底涼。鳥語林間靜。談餘日亭午。

身言別集卷一
樹影一時正清風不負客意重百金贈
聊將兩鬢蓬起照千丈鏡微波喜搖人
小立待其定梁王今何許柳色幾衰盛
人生行樂耳詩律已其勝邂逅一尊酒
他年五君詠重期踏月來夜半嘯煙艇

夜步隄上

人間睡聲起幽子方獨步倚杖看白雲
亭亭水中度十月鴈背高三更河流去

物生各擾擾念此煎百慮聊將憂世心
數遍橋西樹

夜賦

泊舟華容縣湖水終夜明凄然不能寐
左右菰蒲聲窮途事多違勝處亦心驚
三更螢火鬧萬里天河橫阿瞞狼狽地
山澤空崢嶸強弱與興衰今古莽難平
腐儒憂平世况復仙甲兵終然無寸策

白髮滿頭生

秋興

張九成

半夜驚夢回。桐葉紛索索。杖藜視天宇。
雨罷雲收脚。清風拂襟裾。片月墮籬落。
嗟我遊已倦。悵此久淹泊。豆畦今已花。
穉墉行可獲。翻思黃卷中。古人誰可作。
田園愛潛歸。簞瓢識顏樂。譬彼鷦鷯心。
平生。在叢薄。

涼月

劉子翬

涼月未出山。浮雲半空白。徘徊步軒窻。
宛若待佳客。經林漏飛輝。映澈生華澤。
及茲秋景清。吾廬更幽寂。殊觀發秘藏。
妙聽生寥閬。營營息杳杳。炯炯懷新得。
豈無平生心。所樂已非昔。天旋河漢動。
夜久鄰機息。淒淒感庭蘭。歲暮霜霰集。
呼兒溫濁醪。獨酌醉永夕。

渡淮

鳴。磬。渡。長。淮。霏。烟。散。清。晨。皎。皎。初。日。光。
 照。耀。草。木。新。橫。林。度。餘。碧。疊。嶂。開。嶙。峴。
 移。橈。失。向。背。烟。波。浩。無。垠。兜。童。相。擢。歌。
 余。心。亦。欣。欣。輕。帆。互。相。踰。畫。鷁。映。流。津。
 徘徊望洲渚。悠然獨懷人。樵漁有棲遯。
 寂寞誰問鄰。暮風翻洪濤。魚蝦亦有神。
 顧。天。地。黑。孤。舟。恐。漂。淪。

聞箏作

月。高。夜。鳴。箏。聲。從。綺。牕。來。隨。風。更。迢。遞。
 縈。雲。暫。徘徊。餘音若可玩。繁絃互相催。
 不見理箏人。遥知心所懷。寧悲舊寵棄。
 豈念新时期。含情鬱不發。寄曲宣餘哀。
 一。彈。飛。霜。零。丹。撫。流。光。頽。每。恨。聽。者。稀。
 銀。甲。生。浮。埃。幽。幽。孤。鳳。鳴。衆。鳥。聲。難。諧。
 盛。年。嗟。不。偶。况。乃。容。華。衰。道。同。符。片。諾。

志異勞百媒。栖栖墻東客。亦抱凌雲才。

過平望

范成大

寸碧闌高浪。孤墟明夕陽。水柳搖病綠。
霜蒲蘸新黃。孤嶼乍舉網。蒼烟忽鳴榔。
波明荇葉顫。風熟蘋花香。鷄犬各村落。
蓴鱸近江鄉。野寺對客起。樓陰濯滄浪。
古來離別地。清詩斷人腸。亭前舊時水。
還照兩鴛鴦。

新嶺

瘦馬兀背騰荒鷄。號蒼莽。絲窠冒朝露。
籬落幕蛛網。宿雲拂樹過。飛泉擘山響。
老桑踞潛蚪。恠蔓挂騰蟒。山行何許深。
空翠涵羈鞅。釀愁積雨寒。破悶朝日放。
瞳瞳赤幟張。昱昱金鉦上。浮動草花馥。
清和野禽唱。僕夫有好語。沙平路如掌。
惟憂三溪阻。橋斷山水漲。

雁翅夾口小酌

陸游

墟烟淡將散。江雨細欲無。回風吹衣襟。晴光滿菰蒲。隱几樂此時。清和如夏初。犬吠船丁歸。小市得羨蔬。歡言酌清醪。侑以案上書。雖云泊江渚。何異歸林廬。

夜出偏門還三山

月行南斗邊。人歸西郊路。水風吹葛衣。草露溼芒履。漁歌起遠汀。鬼火出破墓。

淒清醒醉魂。荒恠入詩句。到家夜已半。佇立叩蓬戶。穉子猶讀書。一笑慰遲暮。

東西家

東家雲出岫。西家籠半山。西家泉落澗。東家鳴珮環。相對籬數掩。各有苑三間。芹羹與麥飯。日不廢往還。免女若一家。雞犬意自閒。我亦思卜鄰。餘地君勿慳。

齋中雜興

閒居寂無客。柴門晝常闕。孤舟小於葉。
放浪烟水間。樹暗楊梅村。露下白蓮灣。
釣魚樵風涇。買酒石帆山。向來支許輩。
恐亦無此閒。道逢若耶叟。握手開蒼顏。

蘇木灘

楊萬里

灘雪清。濺眸灘雷怒。醒耳落洪翠壁立。
跳波碧山起。船進若戰勝。船退亦遊戲。
若非篙師苦進退。皆可喜。忽逢下灘舟。
掀舞快雲駛。何曾費一棹。纔瞬已數里。
會有上灘時。得意君勿恃。

明發陳公徑過摩舍那灘石峰下。
澄潭湧晴暈。不風自成花。回流如倦客。
出門復還家。江晴已數日。新漲沒舊沙。
知是前溪雨。濕雲尚橫斜。山轉江亦轉。
江行山亦行。風髮照玉鏡。素練縈青屏。
我本山水客。澹無軒冕情。塵中悔一來。

事外懷孤征。忽乘滄浪舟。仰高俯深清。
餐翠腹可飽。飲淥身須輕。鷓鴣不相識。
還作故園聲。

南中山絕佳。所恨人烟稀。略無好事人。
結茅臨深溪。峰頂可月亭。岸石即釣磯。
空令烟中猿。挂崖弄漣漪。山多人自少。
人遠山益奇。我舟行不留。過眼山如馳。
過眼意已足。久留亦何為。

對雨

朱子

虛堂一遊。囑驟雨滿空。至的皪散芳塘。
冥濛結雲氣。勢逐風威亂。望窮山景翳。
烟靄集林端。蒼茫欲無際。涼氣襲輕裾。
炎氣起秋思。對此景。淒淒還增。冲淡意。

六月十五日詣水公庵雨作

雲起欲為雨中川。今晦明。統鷲橫嶺斷。
已覺疎林鳴空際。旱塵滅。虛堂涼思生。

牙詩別卷其
頽簷滴瀝餘。忽作流泉傾。况此高人居。
地偏園景清。芳馨雜峭嶠。俯仰同鮮榮。
我來偶茲適。中懷澹無營。歸路緜決滂。
因之想轍耕。

秋日苦病齋居奉懷黃子厚劉平
父及山間諸兄友

出山今幾時。忽忽歲再秋。江湖豈不永。
我興終悠悠。况復逢旱魃。農畝無餘收。
赤子亦何辜。黃屋勞深憂。而我忝朝寄。
政荒積憊尤。懷疴卧空閣。則愴增綢繆。
東南望故山。上有玄烟浮。平生采芝侶。
寂寞今焉。儔朝遊雲峰巔。夕宿寒巖幽。
為我泛瑤瑟。冷然發清謳。裂牋寄晨風。
河我君何求。洪濤掀君柁。狹硤摧君輶。
君還苦不早。無乃非良謀。再拜謝故人。
低徊更包羞。桂華幸未歇。去矣從公游。

石馬斜川之集今韻賦詩得燈字
 改歲風日好出門欣得朋復招里中彥
 及此雲間僧行行涉清波斯亭一來登
 徙倚綠樹蔭摩挲蒼石稜遥瞻原野春
 仰視天宇澄一水既紆鬱羣山正峻嶒
 時禽悅新陽潛魚躍輕冰却念去年日
 俯仰愁予膺長吟斜川詩日落寒烟凝
 暝色變晴景清尊照華燈頽頽感川徂

稚齒歡年增酒盡不能起朱欄各深凭

卧龍庵武侯祠

奉同尤延之廬山雜詠十四篇之六

空山龍卧處蒼峭神所鑿下有寒潭幽
 上有明河落我来愛佳名小築寄幽壑
 永念千載人丹心豈今昨英姿儼繪事
 凜若九原作寒藻薦芳馨飛泉奉明酌
 公來識此意顧步慘不樂抱膝一長吟
 神交付真漠

陶公醉石歸去來館廬山雜詠

予生千載後尚友千載前每尋高士傳
獨歎淵明賢及此逢醉石謂言公所眠
况復巖壑古縹緲藏風烟仰看喬木陰
俯聽橫飛泉景物自清絕優游可忘年
結廬倚蒼峭舉觴酌潺湲臨風一長嘯
亂以歸來篇

康王谷水簾廬山雜詠

廬山雜詠之十三

循山西壯鷲崿嶇幾經邱前行荒蹊斷
豁見清溪流一涉臺殿古再涉川原幽
縈紆復屢渡乃得寒巖陬飛泉天上來
一落散不收披崖日璀璨噴壑風颼颼
追薪爨絕品滄茗澆窮愁敬酌古陸子
何年復來遊陸鴻漸茶經第此水為天下第一

斜川日雪觀所賦 張 栻

行客念故里勞者思少休如何歲華新

尚爾天南游涉五遇佳日品題自名流
聊復指病眼沙邊玩輕鷗和風着冠中
春意動林邱緬懷千載人孤高諒難儔
亦有一二士舉酒相勸酬未知吾故園
草木如此不政拙甘下考智短空百憂
賜歸儻蒙幸舊盟良可求

昔遊

姜夔

洞庭八百里玉盤盛水銀長虹忽照影

大哉五色輪我舟渡其中晃晃驚我神
朝發黃陵祠暮至赤沙曲借問此何處
滄灣三十六青蘆望不盡明月耿如燭
灣灣無人家只就蘆邊宿

效孟郊體

謝翱

閒庭生柏影荇藻交行路忽忽如有人
起視不見處牽牛秋正中海白夜疑曙
野風吹空巢波濤在孤樹

宋詩別裁集卷二

姚培謙述齋

雲間張景星二銘點閱

王永祺補堂

七言古一

晉祠

歐陽修

古城南出十里間。鳴渠夾路何潺潺。行人望祠下馬謁。退即祠下窺水源。此靈

草木得餘潤。鬱鬱古柏含蒼烟。并兒自古事豪俠。戰爭五代幾百年。天開地闢真主出。猶須再駕方凱旋。頑民盡遷高壘削。秋草自綠埋空垣。并人昔遊晉水上。清鏡照耀涵朱顏。晉水今入并州裏。稻花漠漠澆平田。廢興髣髴無舊老。氣象寂寞餘山川。惟存祖宗聖功業。干戈象舞被管絃。我來覽登為歎息。暫照白

髮臨清泉。烏啼人去廟門闔。還有山月來娟娟。

送徐生之澠池

河南地望雄西京。相公好賢天下稱。吹噓死灰生氣燄。談笑暖律回嚴凝。曾陪樽俎被顧盼。羅列臺閣皆名卿。徐生南國後來秀。得官古縣依嶠陵。脚靴手板實卑賤。賢雋未可吏事繩。携文百篇赴

知已西望未到氣已增我昔初官便伊
洛當時意氣尤驕矜主人樂士喜文學
幕府最盛多交朋園林相映花百種都
邑四顧山千層朝行綠槐聽流水夜飲
翠幙張紅燈爾來飄流二十載鬢髮蕭
索垂霜水同時並遊在者幾舊事欲說
無人應文章無用等畫虎名譽過耳如
飛蠅榮華萬事不入眼憂患百慮來填
膺羨子年少正得路有如扶桑初日昇
名高塲屋已得雋世有龍門今復登出
門相送親與友何異籬鷄瞻雲鵬嗟吾
筆硯久已格感激短章因子興

鴨鵝詞

效王
建作

龍樓鳳闕鬱崢嶸深宮不聞更漏聲紅
紗蠟燭愁夜短綠窻鴨鵝催天明一聲
兩聲人漸起金井轆轤聞汲水三聲四

聲促嚴粧紅靴玉帶奉君王。萬年枝軟
風露濕。上下枝間聲轉急。南衙促仗三
衛列。九門放鑰千官入。重城禁籞鎖池
臺。此鳥飛從何處來。君不見潁河東岸
村陂澗。山禽野鳥常嘲啞。田家惟聽夏
鷄聲。鴨鵝京西村夜夜墮頭耕曉月可
憐。此樂獨吾知。眷戀君恩今白髮。

春日西湖寄謝法曹歌

西湖春色歸。春水綠於染。羣芳爛不收。
東風落如糝。叅軍春思亂如雲。白髮題
詩愁送春。遙知湖上一樽酒。能憶天涯
萬里人。萬里思春尚有情。忽逢春至客
心驚。雪消門外千山綠。花發江邊二月
晴。少年把酒逢春色。今日逢春頭已白。
異鄉物態與人殊。惟有東風舊相識。

觀何君寶畫

梅堯臣

燕馬易畫。吳牛難圖。馬骨應細。牛骨應麤。
馬毛要密。牛毛疎。麤疎必辨。別細密多。
糝糊乃知裁。嵩筆能出韓幹。徒幹馬精神。
在韉勒。嵩牛怒鬪無牽拘。昨日何家觀小軸。
綃雖破爛色不渝。二頭相觸角競特。前脚如跪。
後脚舒尾。株塌直脊。脅感筋力。寫畫蹄腕殊。
一勝一敗。又若似勝者。狼逐敗者趨。卷窮赤印置小字。置

字乃是陶尚書。尚書國初人。愛畫收幾厨。買時不惜金。
與帛帛載羊車。錢載驢後世兒孫不能保。賣入窮市無須與。
凡目矜新不重故。千錢酬直皆笑愚。四牛遂為何氏有。
裝背入眼天下無。坐中吾儕趣已異。又喜玄女傳兵符。
此本實稱閣令畫。下筆簡細容顏姝。三人鬼狀一牛首。
八女二十美丈夫。黃帝中間蔭葩。

蓋露扇錯玳旌。擁朱冠服難知歲月遠。
但見儀衛森清都。復觀鹿臺獨夫受。但
已不笑何由娛。酒池肉林騎行禽。剖心
斲脛堪悲吁。數幅吳王宴西子。綵舟張
樂當姑蘇。宮娥數百簇高下。鬢髻一一
紅芙蓉。危峰細浪得平遠。前對洞庭傍
太湖。商紂夫差可垂誠。歷世傳玩參盤
盃。鴈鷹草木不足記。特詠此事心何如。

華星篇時視役河上寄郡中諸同

舍

司馬光

涼風淨埽雲無跡。海月未生星歷歷。貝
聯珠貫拱。壯辰三五縱橫。此何夕。重樓
疊榭出秋空。鳩鵲露寒連桂宮。瑤井迥
臨丹闕外。玉繩斜挂瑣牕中。征人遠別
空聞悄。鐘漏蕭疎天不曉。碧紗輾轉無
復眠。卧視寒光度華沼。漢家賢將戍臨

兆結髮從軍今二毛誰憐身老心猶壯
深入長古太白高豐城古劍沈淪久匣
中夜半雙龍吼乃知神物不自藏紫氣
依稀見牛斗有客離居望所親遙知清
夜會荀陳隄繇未息無由去不及浮查
河端人

純甫出釋惠崇畫要予作詩

王安石

畫史紛紛何足數惠崇晚出吾最許早
雲六月漲林莽移我翛然墮洲渚黃蘆
低摧雪翳土鳧雁靜立將儔侶往時所
歷今在眼沙平水澹西江浦暮氣沈舟
暗魚罟歌眠嘔軋如聞橈頗疑道人三
昧力異域山川能斷取方諸承水調幻
藥洒落生綃變寒暑金坡巨然山數堵
粉墨空多真漫與大梁崔白亦善畫曾

見桃花淨初吐。酒酣弄筆起春風。便恐
飄零作紅雨。流鶯探枝婉欲語。蜜蜂援
藥隨翅。股一時。子皆絕藝。裘馬穿羸。
久羈旅華堂。豈惜萬黃金。苦道今人不
如古。

遊金山寺

蘇軾

我家江水初發源。宦遊直送江入海。聞
道潮頭一丈高。天寒尚有沙痕在。中泠

南畔石盤陀。古來出沒隨濤波。試登絕
頂望鄉國。江南江北。青山多。羈愁畏晚
尋歸楫。山僧苦留看落日。微風萬頃靴
文細。斷霞半空魚尾赤。是時江月初生
魄。二更月落天深黑。江心似有炬火明。
飛焰照山棲。鳥驚悵然歸。臥心莫識非
鬼。非人。竟何物。江山如此不歸山。江神
見恠驚我頑。我謝江神豈得已有田不。

言方表集卷二

歸如江水是夜所見如此

寓居定惠院之東雜花滿山有海棠一株土人不知貴也

江城地瘴蕃草木。只有名花苦幽獨。嫣然一笑竹籬間。桃李漫山總麤俗。也知造物有深意。故遣佳人在空谷。自然富貴出天姿。不待金盤薦華屋。朱唇得酒暈生。臉翠袖卷紗紅。映肉林深霧暗曉。

光遲日暖風輕。春睡足。雨中有淚亦悽愴。月下無人更清淑。先生食飽無一事。散步逍遙自捫腹。不問人家與僧舍。拄杖敲門看修竹。忽逢絕艷照衰朽。歎息無言揩病目。陋邦何處得此花。無乃好事移西蜀。寸根千里不易到。銜子飛來定鴻鵠。天涯流落俱可念。為飲一樽歌此曲。明朝酒醒還獨來。雪落紛紛那忍

天詩別集卷二

七古

解

海市并叙

予聞登州海市舊矣。父老云常出於
春夏今歲晚不復見矣。予到官五日
而去以不見為恨。禱於海神廣德王
之廟。明日見焉。乃作此詩。

東方雲海空復空。羣仙出沒空明中。蕩
搖浮世生萬象。豈有貝闕藏珠宮。心知

所見皆幻影。敢以耳目煩神工。歲寒水
冷天地閉。為我起蜃鞭魚龍。重樓翠阜
出。霜曉異事驚。倒百歲翁。人間所得容
力。取世外無物。誰為雄。率然有請不我
拒。信我人厄非天窮。潮陽太守南遷歸。
喜見石廩堆祝融。自言正直動山鬼。豈
知造物哀龍鍾。信眉一笑豈易得。神之
報汝亦已豐。斜陽萬里孤鳥沒。但見碧

東坡先生集卷之三
海磨青銅新詩綺語亦安用相與變滅
隨東風

武昌西山并叙

嘉祐中翰林學士承旨鄧公聖求為
武昌令常遊寒溪西山。山中人至今
能言之。軾謫居黃岡與武昌相望亦
常往來溪山間。元祐元年十一月二
十九日考試館職與聖求會宿玉堂

偶話舊事。聖求嘗作元次山窪樽銘。
刻之巖石。因為此詩請聖求同賦。當
以遺邑人使刻之銘側。

春江漲蒲萄醅。武昌官柳知誰栽。憶
從樊口載春酒。步上西山尋野梅。西山
一上十五里。風駕兩掖飛崔嵬。同遊困
卧九曲嶺。褰衣獨到吳王臺。中原壯望
在何許。但見落日低黃埃。歸來解劍亭

宋詩別裁集卷二十一
前路蒼崖半入雲。濤堆浪翁醉處今尚在。石臼杯飲無樽壘。爾來古意誰復嗣。公有妙語留山隈。至今好事除草棘。常恐野火燒蒼苔。當時相望不可見。玉堂正對金鑾開。豈知白首同夜直。卧看椽燭高花摧。江邊曉夢忽驚斷。銅環玉鎖鳴春雷。山人帳空夜鶴怨。江湖水生鴻鴈來。請公作詩寄父老。往和萬壑松風哀。

二十七日自陽平至斜谷宿於南

山中璠龍寺

橫槎晚渡碧澗口。騎馬夜入南山谷。谷中暗水響瀧瀧。瀧嶺上疎星明煜煜。寺藏崑底千萬仞。路轉山腰三百曲。風生饑虎嘯空林。月黑驚麝竄修竹。八門突兀見深殿。照佛青燄有殘燭。媿無酒食待

游人旋斫杉松煮溪菽板閣獨眠驚旅
枕木魚曉動隨僧粥起觀萬瓦鬱參差
日亂千巖散紅綠門前商賈負椒苴山
後咫尺連巴蜀何時歸耕江上田一夜
心逐南飛鵲

石鼓歌

冬十二月歲辛丑我初從政見魯叟舊
聞石鼓今見之文字鬱律蛟蛇走細觀

初以指畫肚欲讀嗟如籀在口韓公好
古生已遲我今况又百年後強尋偏傍
推點畫時得一二遺八九我車既攻馬
亦同其魚維鱗貫之柳古器縱橫猶識
鼎衆星錯落僅名斗模糊半已似癡胝
詰曲猶能辨跟肘娟娟缺月隱雲霧濯
濯嘉禾秀莠莠漂流百戰偶然存獨立
千載誰與友上追軒頡相唯諾下揖水

斯同。擊邱侯。執乃侯。憶昔周宣歌鴻鴈。當時籀史變蝌蚪。厭亂人方思聖賢。中興天為生耆耆。東征徐鹵闞虜虜。北伏犬戎隨指啖。蘇后反象胥雜沓貢狼鹿。方名聯翩賜圭卣。遂因鼓鼙思將帥。豈為考擊煩矇眊。何人作頌比崧高。萬古斯文高岫嶽。勲勞至大不矜伐。文武未遠猶忠厚。欲尋年歲無甲乙。豈有名字記

誰某。自從周衰更七國。竟使秦人有九有。掃除詩書誦法律。投棄俎豆陳鞭撻。當年何人佐祖龍。上蔡公子牽黃狗。登山刻石頌功烈。後者無繼前無偶。皆云皇帝巡四國。烹滅彊暴救黔首。六經既已委灰塵。此鼓亦當遭擊掊。傳聞九隙淪泗上。欲使萬夫沈水取。暴君縱欲窮人力。神物義不污秦垢。是時石鼓何處

身言別者集卷二
避無乃天工。令鬼守興亡。百變物自閒。
富貴一朝名不朽。細思物理坐歎息。人
生安得如汝壽。

古纏頭曲

鷓絃鐵撥世無有。樂府舊工惟尚叟。一
生啄硬眼無人。坐此困窮今白首。翠鬢
女子年十七。指法已似呼韓婦。驚帆渡
海風掣迴。滿面塵沙和淚垢。青衫不逢
滄浦客。紅袖謾插曹綱手。邇來一見衰
駘佗。便著臂鞞躬并白。我慙貧病百不
足。強對黃花飲白酒。轉關蒨索動有神。
雷輶空堂戰。鼙鑪四絃一。抹擁袂立。再
拜。今為我壽。世人只解錦纏頭。與汝
作詩傳不朽。

送戴蒙赴成都玉局觀將老焉

拾遺被酒行歌處。野梅官柳西郊路。聞

道華陽版籍中。至今尚有城南杜。我欲
歸。尋萬里橋。水花風葉暮蕭蕭。茅魁徑
尺誰能盡。楹木三年已足燒。百歲風狂
定何有。羨君今作我眉叟。縱未家生執
戟郎。也應世出埋輪守。莫欺老病未歸
身。玉局他年第幾人。會待子猷清興發。
還須雪夜去尋君。

龜山辯才師

此生念念浮雲改。寄語長淮。今好在。故
人宴坐虹梁南。新河巧出龜山背。木魚
呼客振林莽。鉄鳳橫空飛綵繪。忽驚堂
宇變雄深。坐覺風雷生聲歎。羨師遊戲
浮漚間。笑我榮枯彈指內。嘗茶看畫亦
不惡。問法求詩了無礙。千里孤帆又獨
來。五年一夢誰相對。何當來世結香火。
永與名山供井磴。

王維吳道子畫

何處訪吳畫。普門與開元。開元有東塔。
摩詰留手痕。吾觀畫品中。莫如二子尊。
道子實雄放。浩如海波翻。當其下手風。
雨快筆所未到。氣已吞亭亭。雙林間。彩
暈扶桑暎。中有至人談寂滅。悟者悲涕。
迷者手自捫。蠻君鬼伯千萬萬。相排競
進頭如黿。摩詰本詩老。佩芷齷芳蓀。今

觀此壁畫亦若其詩清且敦。祇園弟子
盡鶴骨。心如死灰不復溫。門前兩叢竹。
雪節貫霜根。交柯亂葉動無數。一一皆
可尋其源。吳生雖妙絕。猶以畫工論。摩
詰得之於象外。有如仙。翻謝籠樊。吾觀
二子皆神俊。又於維也。歛衽無間言。

臘日遊孤山訪惠勤惠思二僧

天欲雪。雲滿湖。樓臺明滅。山有無。水清

石出魚可數。林深無人鳥。相呼臘日不
 歸。對妻孥。名尋道人實自娛。道人之居
 在何許。寶壘山前路。盤紆孤山孤絕誰
 肯廬。道人有道山不孤。紙牕竹屋深自
 暖。擁褐坐。睡依圓蒲。天寒路遠愁僕夫。
 整駕催歸及未哺。出山迴望雲木合。但
 見野鶻盤浮圖。茲將淡泊歡有餘。到家
 恍如夢蘆蘆。作詩火急追亡逋。清景一
 失後難摹。

書王定國所藏烟江疊嶂圖

王晉卿畫

江上愁心千疊山。浮空積翠如雲烟。山
 耶雲耶遠莫知。烟空雲散山依然。但見
 兩崖蒼蒼暗絕谷。中有百道飛來泉。繁
 林絡石隱復見。見下赴谷口為奔川。川平
 山開林麓斷。小橋野店依山前。行人稍
 度橋木外。漁舟一葉江吞天。使君何從

得此本點綴毫末今清妍不知人間何
處有此境徑欲往置二頃田君不見武
昌樊口幽絕處東坡先生留五年春風
搖江天漠漠暮雲卷雨山娟娟丹楓翻
鴉伴水宿長松落雪驚醉眠桃花流水
在人世武陵豈必皆神仙江山清空我
塵土雖有去路尋無線還君此畫三歎
急山中故人應有招我歸來篇

瓜步阻風

孔武仲

昨日焚香謁聖母青山鞠躬如負弩但
乞天開萬里明掃去浮雲戢風雨謂宜
言發即響報豈知神不聽我語門前白
浪如銀山江上狂風如怒虎船癩艣硬
不能拔未免棲遲傍洲渚輕盈但愛白
鷗飛顛頓可憐芳草舞三江五湖歷已
盡勢合平夷反齟齬上水歌呼下水愁

北船縈絆南船去。寄言南船莫。英雄豪萬事。低昂如桔槔。我嘗賣。鈔買牲牢。再掃靈宇。陳肩尻黃金。壺樽沃香醪。神喜借以南風。高揚帆。拍手笑。爾曹不知流落何江。臯。黃洲。寂寞聽怒號。

題漢陽招真亭 亭在大別峯頂。郡守吳興劉詒宣翁

管攝以招江夏黃鶴之仙。劉自稱有不死術。亭成後二年物故。

賀鑄

大別山巔清沔尾。飛亭峯。堯帶雲起。清狂使君初燕喜。拍手招呼黃鶴子。元津煉出太陽酥。丰茸胎髮蒙頭顱。每誇久落壯艷籍。豈意齋恨歸黃壚。越客登臨數會誰能窮。百年形影浪自苦。便欲此地安微躬。白雲南來入我望。又起歸興隨征鴻。

送范德孺知慶州 黃庭堅

乃翁知國如知兵。塞垣草木識威名。敵人開戶玩處女。掩耳不及驚雷霆。平生端有活國計。百不一試薶九京。阿兄兩持慶州節。十年麒麟地上行。潭潭大度如卧虎。邊人耕桑長兒女。折衝千里雖有餘。論道經邦政要渠。妙年出補父兄處。公自才力應時須。春風旂旗擁萬夫。幕下諸將思草枯。智名勇功不入眼。可用折箠笞羌胡。

書磨崖碑後

春風吹船著浯溪。扶藜上讀中興碑。平生半世看墨本。摩挲石刻髣成絲。明皇不作苞桑計。顛倒四海由祿兒。九廟不守乘輿西。萬官已作烏擇栖。撫軍監國太子事。何乃趣取大物為。事有至難天幸爾。上皇踟躕還京師。內聞張后色可。

牙白男著集 卷二
否外間李父願指揮南內。淒涼幾苟活。
高將軍去事尤危。臣結春陵二三策。臣
甫杜鵑再拜詩。安知忠臣痛至骨。世上
但賞瓊琚詞。同來野僧六七輩。亦有文
士相追隨。斷崖蒼蘚對立久。凍雨為洗
前朝悲。

以團茶泚州綠石研贈無咎文潛
鬼子。智囊。可以括四海。張子。筆端。可以
回萬牛。自我得二士。意氣傾九州。道山
延閣委竹帛。清都太微望冕旒。貝宮胎
寒弄明月。天網下罩一日收。此地要須
無不有。紫皇訪問富春秋。晁無咎贈君
越侯所貢蒼玉璧。可烹玉塵試春色。澆
君曾中過秦論。斟酌古今來活國。張文
潛贈君泚州綠石含風漪。能淬筆鋒利
如錐。請書元祐開皇極。第八思齊訪落

詩

聽崇德君鼓琴

月明江靜寂寥中。大家歛袂撫孤桐。古
人已矣古樂在。髣髴雅頌之遺風。妙手
不易得。善聽良獨難。猶如優曇華。時一
出世間。兩忘琴意與己意。迺似不著十
指。彈禪心。默默三淵靜。幽谷清風淡相
應。絲聲誰道不如竹。我已忘言得真性。

罷琴牕外月。沉江萬籟俱空。七絃定一

富春行贈范振

晁補之

錢塘江北百里餘。漲沙不復生菰蒲。沙
田老桑出葉纒。江潮打根根半枯。八月
九月。秋風惡。風高。鷺潮晚。不落鼓聲。鼙
鼓。櫓。嗷。嗷。爭。湊。富。春。城。下。泊。君。家。茅。屋
並城樓。不出山行不記秋。越船吳帆亦
何故。今年明年來復去。

和關彥遠秋風吹我衣

海中。羣魚化黃雀。林鳥移巢。避歲惡。鄴
王城上。秋風驚。昔時城中。鄴王第。只今
蔓草無人行。但見黃河咆哮奔。碣石秋
風吹。灘起沙礫。翩翩動衣裳。游子悲故
鄉。忽憶若耶溪。頭采薪。鄭巨君。南風溪
頭曉。北風溪頭昏。一行作吏。此事便廢
夢。中葉落。覺有歸意。歸歟歸歟。吾黨成

斐然。君今生二毛。我亦非少年。胡為車
如鷄。栖鄴城裏。朝風吹馬鬣。莫風吹馬
尾。與人三歲居。如何連屋似千里。我則
不狂。曾謂吾狂。不吾知。亦何傷。安能產
三尺喙。家一吭。人亦有言。人各有志。吞
若雲夢者。八九長劔。耿介倚天外。有如
陳仲舉。庭宇亦不治。吾乃今知貴。不若
賤無憂。富不若貧。無求。負日之燠。吾重

裘芹子之飫吾食牛心戰故臞得道故
肥吾封侯匹夫懷璧將誰尤歸歟歸歟
豈無揚雄宅一匡舍前青山木扶疎舍
後流水有菰蒲今我不樂日月除尺則
不足寸有餘七十二鑽莫能免豫且無
所可用乃有百歲樓薰生竟天天年非
吾德

胡戡秀才效歐陽公集古作琬琰

堂

君不見廬陵公往為學士修書日詔畀
千金訪遺逸遺文逸字往往出故都易
姓幾兵火量醫鼎腹細詰訕道人岫嵯
空有聞邱陵仙鬼事恍惚共和十鼓記
亡一嶧山肉在無復骨雲陽八體又瓜
剖至使漢童訛尉律世儒詭正何足臧
公家安取千軸藏仲尼猶及史之闕有

牙詩集卷一
馬借人吾敢忘。題籤甲乙賴水陽。後來
胡君癖膏肓。傾冢自構琬琰堂。搜羅近
出補厥亡。荒林北冢見未嘗。南觀禹穴
計渺茫。閉門暝。晚在一牀。常恨平生好
古家無力。騎馬蹊田。觀斷刺中郎二字
煩走驛。率更三日勞。野食長年囊。褚况
易擲兒作墓。朱婦遮壁願。從胡君。再無
有十百數中聊取。仇胡君今逸民。盱眙
不見十五春。坐令鈿槩老壯士。朝廷豈
無憂國人。曩時豪氣今雖在。會面只謀
千日醉。聽君汗漫馳古先。世事無何付
蟬蛻。

酬李唐臣贈山水短軸

貴

李為刑曹
杜君章知

興何有愁不能言。病妨酒。殘陽雲夢宿
然深。尚欲開襟吞八九。羽駕飄飄安在

牙言只表集卷之二
三
哉使君餘迹已塵埃。但見庾令樓橫烟。
樹杪角聲催月渡江來。

金山行

郭祥正

金山杳在滄漠中。雪崖水柱浮仙宮。乾
坤扶持自今古。日月髣髴躔西東。我泛
靈槎出塵世。搜索異境窺神工。一朝登
臨重太息。四時想像何其雄。卷簾夜閣
掛北斗。大鯨駕浪吹長空。舟樞岸斷豈

足數。徃々霹靂鉅蛟龍。寒蟾八月蕩搖
海。秋光上下磨青銅。烏飛不盡暮天碧。
漁歌忽斷蘆花風。蓬萊久聞未成往。壯
觀絕致遙應同。潮生潮落夜還曉。物與
大山宮。小山霍欲識山高。觀石脚。大波
為瀾。小波為淪。欲知水深。觀水津。營邱
於此意。獨親杜侯所。與復有人。不見李
侯今五載。苦向營邱有餘態。齊紈如雪

吳刀裁。小毫束筍。籟囊開。經營初似雲。
烟合。揮灑忽如風。雨來蒼梧。決滌天無。
日深。巖老樹。洪濤入。榛林間。獺獠狄寒。
蒼蘚侵。淫螺蚌。涇紛紛。禽散江干。沙有。
風。壯來吹。蕪。葭。前洲後渚。相隨沒。行子。
漁人歸。徑失李侯此筆。良已奇。我聞李。
侯家。胡垂跨河而壯。寧有之。曷不南遊。
觀禹穴。梅梁鑲。澀萍漪皮。神物變化當。

若斯元君畫史。雖天與。我論絕藝無今。
古。張顛草書。要劍舞。得意可無山水助。

他日李侯人益慕。按爾雅大小官小山。景純解宮為圍繞。別為不相連。此詩入手引用。以宮字斷句。蓋偶誤耳。

芳儀怨。事見陸游避暑漫鈔。

金陵宮殿春霏微。江南花發鷓鴣飛。風
流國主家千口。十五吹簫粉黛稀。滿堂
侍酒皆詞客。拭汗爭看平叔白。後庭一

曲時事新揮淚臨江悲去國今公獻籍
朝未央。敕書策第優降王。魏俘曾不輸
織室。供奉一官奔武彊。秦淮潮水鍾山
樹。塞北江南易懷土。雙燕清秋夢柏梁。
吹落天涯猶並羽。相隨未是斷腸悲。黃
河應有却還時。寧知翻手明朝事。咫尺
人生不可期。蒼黃三鼓滹沱岸。良人白
馬今誰見。國亡家破一身存。薄命如雲

信流轉芳儀加我名字新。教歌造舞不
由人。採珠拾翠衣裳好。深紅退盡驚胡
塵。陰山射虎邊風急。嘈雜琵琶酒闌泣。
無言徧數天河星。只有南箕近鄉邑。當
時干拍渡江來。同苦不知身獨哀。中原
骨肉又零落。寄詩黃鵠何當回。生男自
有四方志。女子那知出門事。君不見李
君椎髻泣窮邊。丈夫飄泊猶堪憐。

以承宴墨贈僧法一

晁冲之

我聞江南墨官有諸奚。老超尚不如庭
珪。後來承宴復秀出。喧然父子名相齊。
百年相傳文斷碎。彷彿尚見蛟龍背。電
光屬天星斗昏。雨痕倒海風雲晦。却憶
當年清暑殿。黃門侍立才人見。銀鈎洒
落桃花牋。牙床磨試紅絲研。同時書畫
三萬軸。大徐小篆徐熙竹。御題四絕海
內傳。秘府毫芒惜如玉。君不見建隆天
子開國初。曹公受詔行掃除。王侯舊物
人。今得更寫西天貝葉書。

